



Broj: UP1 08-16-19-4-11/24
Sarajevo, 29.02.2024. godine

Na osnovu člana 70. stav (1) Zakona o javnim nabavkama ("Službeni glasnik BiH" broj 39/14) direktor Agencije za zaštitu ličnih podataka u Bosni i Hercegovini *donosi*:

ODLUKU **o izboru najpovoljnijeg ponuđača**

1. Prihvata se prijedlog Komisije za javne nabavke iz Zapisnika o pregledu i ocjeni ponuda u konkurentskom zahtjevu javne nabavke broj: UP1 08-16-19-4/24 – Nabavka benzina za potrebe Agencije za zaštitu ličnih podataka u Bosni i Hercegovini, kojim je **ponuda ponuđača Hifa-Petrol d.o.o. Sarajevo** broj: JN 581/24, sa ukupnom ponuđenom cijenom od 7.264,00 KM bez PDV-a, **ocijenjena kao najpovoljnija** jer je jedini dostavio prihvatljivu ponudu.
2. Sa ponuđačem iz tačke 1. ove Odluke zaključit će se okvirni sporazum za nabavku benzina za potrebe Agencije za zaštitu ličnih podataka u Bosni i Hercegovini.
3. Izabrani ponuđač dužan je dostaviti dokaze o ispunjavanju uslova za kvalifikaciju u roku od pet dana od dana prijema ove Odluke.
4. Ova Odluka stupa na snagu danom donošenja i dostavlja se ponuđačima koji su učestvovali u postupku javne nabavke u skladu sa članom 70. stav (2) Zakona o javnim nabavkama.

Obrazloženje

Direktor Agencije za zaštitu ličnih podataka u Bosni i Hercegovini je Odlukom broj: 05-1-16-19-124-2/24 od 31.01.2024. godine, pokrenuo postupak konkurentskog zahtjeva za dostavljanje ponuda za javnu nabavku benzina za potrebe Agencije za zaštitu ličnih podataka u Bosni i Hercegovini, za koji je objavljena tenderska dokumentacija broj: UP1 08-16-19-4-2/24 od 07.02.2024. godine na portalu javnih nabavki i Obavještenje o nabavci 820-7-1-5-3-7/24.

Tendersku dokumentaciju je, sa portala javnih nabavki, preuzelo dvanaest ponuđača. Na protokol Ugovornog organa, do utvrđenog krajnjeg roka za dostavu ponuda, stigle su dvije ponude.

Komisija za javne nabavke je blagovremeno i pravilno izvršila otvaranje ponuda i ponuđačima dostavila *Zapisnik o otvaranju ponuda* broj: UP1 08-16-19-4-7/24 od 22.02.2024. godine.

Komisija za javne nabavke je izvršila pregled i ocjenu ponuda koji je završen 28.02.2024. godine i o tome sačinila *Zapisnik o pregledu i ocjeni ponuda u predmetu nabavke goriva za potrebe Agencije za zaštitu ličnih podataka u Bosni i Hercegovini*, broj: UP1 08-16-19-4-10/24 od 23.02.2024. godine.

Ponuda ponuđača **Nestro Petrol a.d. Banja Luka** se odbacuje u skladu sa odredbama člana 68. stav (4) Zakona jer ponuda broj: 3392/24 ne ispunjava zahtjeve iz tenderske dokumentacije. Ponuđač Nestro Petrol a.d. Banja Luka nije dokazao da će imati na raspolaganju potrebne resurse odgovarajuće kvalitete u konkretnoj nabavci benzina BAS EN 228-BMB 98.

Ponuda ponuđača **Hifa-Petrol d.o.o. Sarajevo** je prihvatljiva i ispunjava zahtjeve u pogledu opisa predmeta nabavke i tehničkih specifikacija.

Obzirom da je samo jedna ponuda prihvatljiva, u skladu sa odredbama člana 4. stav (2) Pravilnika o uslovima i načinu korištenja e-aukcije („Službeni glasnik BiH“, broj: 80/23) e-aukcija se nije zakazivala.


Shodno naprijed navedenom, a u skladu sa članom 70. i 89. Zakona, odlučeno je kao u dispozitivu ove Odluke.

Odluka će se, u skladu sa članom 70. stav (6) Zakona, dostaviti svim ponuđačima koji su učestvovali u postupku javne nabavke i istovremeno objaviti na internet stranici Ugovornog organa.

Pouka o pravnom lijeku: Protiv ove odluke može se izjaviti žalba Uredu za razmatranje žalbi BiH putem Agencije za zaštitu ličnih podataka u BiH u roku od 5 dana od dana prijema ove Odluke u pisanoj formi i u dovoljnom broju primjeraka, a koji ne može biti manji od tri.

Dostavljeno:

- Web redakciji;
- Ponuđačima x2;
- U spis.



DIREKTOR

dr. Dragoljub Reljić